

軍事

論政府將復設海軍 錄丁未十一月二十二日中外日報

自甲午以後。中國海軍燬矣。中國與外人交涉。備受外人恫嚇。輒弭首惕息。不敢置一詞。卽遇有極可爭執之事。亦不敢爲過分之抗拒。而外人則有挾而求。輒以炎炎之大言虛張其聲勢。於是上自政府。下至士大夫。以爲實由中國無海軍。有以致此。而重興海軍之言。遂千口同聲。萬衆一致。殆以爲海軍一經復設。則痿者可使之立起。死者可使之復生也。至於今日。遂聞政府有決定政見。設立海軍之事。

執筆人非謂海軍不當設也。顧觀於從前之已事。與夫今日之現情。則以爲政府如果欲設立海軍。則未設之前。當有預備之法。已設之後。當有維持之法。未可鹵莽滅裂。徒視爲循例奉行之事。又未可進銳退速。致成爲有始無終之舉也。今謹舉所見略言之。

一。經費。中國近年經營陸軍。可謂不遺餘力。然惟北洋陸軍。稍有可觀。而近者。卽以經費支絀。故爲之中道。停頓自餘。諸省非敷衍形式。改其名而不改其實。卽稍改一小部分。聊與新章相對付。則以經費無著。故也。海軍經費。又非陸軍之比。開辦經費需幾何。常年經費需

幾何。若出諸部庫。則近年部臣。已時以匱乏爲言。若取之官吏。則近年州縣。已困苦不堪。殆於無可提取。若責諸民間。則是於精疲力盡之時。爲敲骨吸髓之舉。竊恐海軍未成。而民亂已兆。將何以處之。今若不預籌及此。一時興會。飈舉具議。案定章程。以恢復海軍。號召通國。及至日後。經費不足。意興索然。不能照所定之議。案次第布置。將見半途而廢。成一不完全之海軍。有事時。萬不能效鉛刀之一割。則是擲無數金錢於無何有之鄉。又何苦而出此使政府能解決此問題。則始可與言重設海軍矣。

一人材。人材以歷練而成。必非倉卒所能成就。而海軍則尤甚。必其幼時。卽從事於海軍之學。而後根柢始可恃。必其時時習練。而後有備無患。方可備一旦之用。今中國自裁撤海軍衙門後。舊時海軍人員。死者死矣。卽存者亦已散之四方。改就他業。年老氣衰。不復可恃。而近年國家亦未嘗培植此項人材。以供新海軍之用。則雖戰艦如雲。魚雷成隊。而有器無人。將安所用之。設使取不知誰何之人。姑以其職位相當。授以管帶統帶之職。平時養尊處優。送往迎來。未嘗不勝任愉快也。一旦有事。非舉巨艦。以委敵人。卽與之同殉。以一死報國家。已耳。其於軍事。奚裨不得已而降格相求。姑不作爲鏖戰之用。但令其爲練習之計。則期以十年。宜當收樹人之效。而亦必教練得其人。凡從役於海軍者。能虛心聽受。以盡力於所

事無時不作。臨陣之想。卽無時不習。臨陣之事。而後庶幾其有濟也。而教練者將擇何等人爲之。受教練者將擇何等人充之。此又急當爲之籌畫者也。

一軍艦。我國至今日尙無能自造軍艦之局廠。此最爲可羞可憾之事。今旣迫欲重設海軍。若必待艦廠成立後始議造軍艦編軍隊。是爲以七年之病求三年之艾。恐非旦夕所能立待。則乞諸其鄰。雖屬下策。而舍此亦無可爲計。然此有當審慎者數端。中國近年新舊賠款數甚不資。而又工藝不興。土貨積滯。出入不能相抵。於是金錢之流出外洋者。其數乃不知紀極。今又重以購辦軍艦之舉。則將罄國中之金錢。以灌輸於國外。勢必致國中無現錢一事不能辦。而後已。此至可危之道也。其次則前人之論購辦軍艦者。輒曰外人售軍艦於我。較其爲本國所造者。不能無良楛之殊。故我國向之購辦軍艦。不啻以至高之價。易不適用之物。此固爲陳舊之談。未足據爲定論。然而採辦之弊。則固不能謂其必無。用八報十。已爲廉潔。至於以低貨冒高價。以舊製飾新器。公行欺罔。不以爲慚。則近年採辦軍裝之已事。已爲人所共知。使以此施之軍艦。則就平時言之。虛糜金錢無數。已爲不值。而就有事時言之。則雖有軍艦多艘。而以脆禦堅。仍不堪一戰。其於設立海軍之本意。毋乃相背而馳。此又不可不留意者也。

軍 事

度支部議擬甘肅提督姜奏籌辦江防併改新舊營隊請撥的款摺

二十八

四月

執筆人之意。非謂海軍不當復設也。特以上所言。則不能不請當局者留意。庶不致國家坐承其弊。而於事仍一無所濟也。而其尤要者。政府果欲重興海軍。則必當有忠於為國視國事如家事。而又熟諳韜略。壁畫精到之大臣。以主持於上。而各省督撫。亦能心知其意。平時之維持輔助。悉能與主持之大臣。心手相應。不使有掣肘之患。亦不使有誤事之虞。而社會中人。亦能實盡監督之責。不使執事於海軍者。放棄其責任。而不為有事之備。則一遇軍務。或猶可奮勇直前。一試其利鈍耳。要之此事。造端宏大。千經萬緯。非可隨聲附和。人曰重興海軍。我亦曰重興海軍。遂以為畢乃事也。

度支部議覆甘肅提督姜奏籌辦江防併改新舊營隊請撥的款摺

軍機處交出提督姜桂題奏籌辦江防併改新舊營隊請撥的款開單呈覽摺奉

旨著度支部迅即籌撥欽此。欽遵鈔交到部。原奏內稱奉旨夏辛酉原部各營著甘肅

提督姜桂題接統。並著統率原帶六營會合新接各營。汰弱留強。共成五千人。開往長江一

帶扼要屯紮。仍會商沿江各督撫。籌辦江防事宜。其前派會辦江浙剿匪一差。著即撤銷等

因欽此。欽遵由軍機處鈔交前來。竊查該前提臣奏定營制餉章。自可無須更易。惟添練礮

隊。該前提臣原奏亦曾籌議。及此因款絀。姑從緩設。查奴才舊帶豫軍六營。內有礮隊一營。